



## partii naleraq

UPA2016/66

**Nunatsinni ujaqqanik pinneraasiassanik aatsitassanillu katersisinaanermut kiisalu annikitsumik aatsitassarsiorluni ujaqqanik piiaanissamut akuersissummik tunniussinissamut inatsisitigut immikkut aalajangersaanissamut UPA 2017-imi suliniuteqaqqullugit Naaalakkersuisut inatsisartut aalajangiiffigisassaattut siunnersuut.**

(Inatsisartunut ilaasortaq Anthon Frederiksen, Partii Naleraq)

Siullermik qutsavigissuarput qulequtaq pingaartittuaannagassatsinnit siunnersuuteqartoq Anthon Frederiksen aalajangiiffigisassatut siunnersuuteqarmat.

Namminersorneq 2009 mi atuutilersinneqarmat inatsit nutaaq aamma aatsitassarsiornermut tunngasoq nutarterneqarpoq, tassanilu nassuerutigisariaqarparput nunaqavissunut tunngasortaata suliarineqarnera pikkoriffigivallaarnikuunngilarput, tassami inatsimmut 2009 sioqqullugu atuuttumut nutaaq naleqqiullugu ilaatigut nunaqavissunut atugassarititat ajorseriartutut nailerneqarsinnaammat. Ukiunilu kingullerni tusagassiorfinni tamassumap sammineqangaatsiarnerata aamma ersesippaa.

Aqutsinitsinni pingaaruteqarluinnartuuvoq ingerlatsinitsinni inuiaqatigiinnut inatsisiliornitsinni iluaqutaanngitsumik naammattoorsigutta, nassuerutigeriarlugu aaqqinnissaa ajorsiaratorusaartiinnarnagu, tamannalu takusinnaavarput siunnersuummi aamma tunngaviusoq.

Pisuussutit uumaatsut sorpassuupput, aamma inatsimmi ersarinerusumik immikkoortitaarlugit inissineqartariaqartut, uanilu ujaqqanik pinneraasiassat tunngavigalugit siunnersuuteqarneq taamaattumik taperserneqartariaqartutut isigaarput, qularatalu siunnersuut taperserlugu aappassaaniinginnerani aatsitassanut ataatsimiititaliami sukumiisumik suliarineqarnissaa innersuussutigalugu.

qujanaq